

PM - MARUAH

1985
SIK, 9 MEI (BERNAMA) -- PERDANA MENTERI DATUK SERI DR. MAHATHIR MOHAMAD HARI INI MENYERU RAKYAT SUPAYA MEMBUANG SIKAP MEMINTA-MINTA DARIPADA KERAJAAN SEBAGAI MENJAGA MARUAH NEGARA.

PERDANA MENTERI BERPENDAPAT RAKYAT YANG SUKA MEMINTA-MINTA AKAN JATUH MARUAHNYA DI KALANGAN NEGARA-NEGARA LAIN.

BELIAU BERKATA DEMIKIAN KETIKA MELANCARKAN KEMPEN PENINGKATAN PRODUKTIVITI DI KAMPUNG BERJAYA DEKAT SINI ANJURAN KEMENTERIAN KEMAJUAN TANAH DAN WILAYAH.

DATUK SERI DR. MAHATHIR BERKATA RAKYAT NEGARA INI AKAN DAPAT MENINGGIKAN PENDAPATAN SEKIRANYA MEREKA MEMPERTINGKATKAN HASIL PENGELUARAN BAIK MENERUSI PERTANIAN MAHUPUN BIDANG PERKILANGAN.

KATANYA, NEGARA MENCAPAI KEJAYAAN DALAM BIDANG PENGELUARAN HASIL GETAH LEBIH SEPULUH KALI GANDA SEKARANG BERBANDING DENGAN HASIL KELUARAN GETAH SEMASA BENIHNYA DIBAWA DARI BRAZIL KIRA-KIRA SEABAD LALU. -- LAGI.

1928MST 09 05 85

PM - MARUAH 2 SIK

KATANYA, PENINGKATAN HASIL GETAH ITU DAPAT DICAPAI MELALUI PENYELIDIKAN YANG DIJALANKAN OLEH BADAN-BADAN KERAJAAN YANG DIPERTANGGUNGJAWABKAN MENGENAINYA.

PERDANA MENTERI BERHARAP RAKYAT AKAN TERUS MENGGUNAKAN TANAH-TANAH TERBIAR DI KAMPUNG MASING-MASING UNTUK MENGHASILKAN TANAMAN YANG BOLEH MENAMBAHKAN PENDAPATAN KEPADA KELUARGA MEREKA.

+KITA HARUS BERUSAHA UNTUK BERDIKARI DAN BUKAN HARUS MEMINTA-MINTA DARIPADA KERAJAAN SEMATA-MATA,+ KATANYA.

WALAUPUN KERAJAAN BOLEH MEMBERI SUBSIDI TETAPI SEKIRANYA MEREKA BOLEH BERDIKARI, MAKA WANG PERUNTUKAN SUBSIDI ITU DAPAT DIGUNAKAN UNTUK MEMBANTU GOLONGAN YANG BENAR-BENAR MEMERLUKAN BANTUAN DAN MEREKA YANG DAIF.

PERDANA MENTERI BERHARAP MELALUI KEMPEN PENINGKATAN PRODUKTIVITI YANG DILANCARKANNYA HARI INI AKAN MENJADI DORONGAN KEPADA SEMUA RAKYAT UNTUK Mencari usaha menambah hasil demi faedah mereka.

KEMPEN ITU YANG BERJALAN SELAMA EMPAT HARI DIKUTI DENGAN EKSPLO BARANG-BARANG PENGELUARAN PENEROKA DAN OLEH 30 AGENSI DI BAWAH KEMENTERIAN KEMAJUAN TANAH DAN WILAYAH SERTA SWASTA.-- BERNAMA.

1930MST 09 05 85